



Sabtu, 19 Pebruari 2022
Ogen : Kuan-kuanen 3:5-6



"Tuhan Nuduhkan Dalam Si Payo"



Tuhan merenken perentah man Abraham segelah mpersembahkan anakna jadi persembahen man Dibata. Anak e enggo ndekah kal itimai Abraham bas geluhna, janah seh kal atena kelengna. Abraham pe seh patuhna nandangi Dibata, e maka idalankenna me perantah Dibata e. Bas perdalanan guna ersembah nungkun anakna kerna biri-biri si jadi persembahen e. Alu dem kiniteken Abraham mabai anakna segelah banci tuhu-tuhu tek maka Dibata kari sinikapkenca. Lakon persembahen e pe idalanken, janah ope denga seh paksa ngendesken anakna jadi persembahen ituduhkan Dibata sada biri-biri si itambat, janah isalihken me persembahen anak e jadi biri-biri. Enggo iidah Dibata kiniteken Abraham, si erbahanca ia ngaloken dalam si mehulina i bas geluh. Bagi Abraham erpengendes dinggen ernalem man Dibata, bage me niarapken kegeluhenta. Bas kitab kuan-kuanen si jadi renungenta wari enda kata pedah man anak perana segelah ernalem man Dibata, janah ndigan pe ola ernalem man pemete. Pemete manusia ertampuk, tapi pemete Dibata la lit tampukna. Bas ndahiken kerina dahin arus tetap ingetlah tetap Dibata.

Kai pe sidahiken, janah situasi si kugapana pe inget Dibata. Inget Dibata i bas pasa keriahen ukur, kecedan ate, bas paksa erdahin, bas paksa ngadi-ngadi, bas paksa kesusahen ola kal lupaken IA. IA simereken pengarapen rikut ras sinuduhkan dalam seh maka tep-tep kalak si tek la ndigan pe ikecewaken. *"harapan akan selalu hadir untuk mereka yang mempercayai perubahan"* Kerina si ngerehken kiniulin jadi nandagi kalak si ernalem man Dibata, bagi Abraham ngejapken perubahen kerna persembahenna, bage me pe man banta kerina Moria. Mari tetap ernalem man Dibata sebab IA kam si nuduhkan apai si payo ras la payo seh maka kegeluhenta pe tuhu-tuhu ngenanami kiniulin Dibata.